

Kev Hloov Kho Tshiab rau Lub Lav Txoj Phiaj Xwm Kev Txo Qis Kev Phom Sij Xyoo 2023 Thawj Tsab



Lub Lav Txoj Phiaj Xwm Kev Txo Qis Kev Phom Sij yog dab tsi?

Lub Lav Txoj Phiaj Xwm Kev Txo Qis Kev Phom Sij (SHMP los sis Txoj Phiaj Xwm) yog California cov ntaub ntawv qhia txog kev phom sij tseem ceeb. Nws muab kev txheeb cais txog Lub Lav lub keeb kwm thiab cov kev phom sij tam sim no, piav qhia txog Lub Lav cov hom phiaj thiab cov phiaj rau kev txo qis kev phom sij, thiab qhia ntxaws txog Lub Lav cov tswv yim thiab cov kev nqis tes ua txog kev phom sij. Txoj Phiaj Xwm sawv cev rau Lub Lav txoj kev cog lus txog lub tswv yim kev txo qis uas txhij txhua txhawm rau txo qis los sis tshem tawm cov kev pheej hmoo thiab cov kev cuam tshuam uas yuav tuaj yeem muaj los ntawm cov xwm txheej kev puas tsuaj, txhawb kev kho kom zoo rov los tom qab kev puas tsuaj kom sai dua, txo qis kev puas tsuaj rau lub neej txoj sia thiab tej dej av vaj tse, thiab tsim kom California tuaj yeem yoog raws kom zoo dua qub tuaj.

Txoj SHMP yuav raug hloov kho tshiab nyob rau ncuas tsib lub xyoo raws li teev tseg los ntawm Robert T. Stafford Disaster Relief and Emergency Assistance Act (Tsab Cai Hais Txog Kev Txo Kev Puas Tsuaj thiab Kev Pab Xwm Txheej Ti Tes Ti Taw) thiab pab kom Lub Lav tuaj yeem nkag tau mus rau Tsoom Hwv Teb Chaws cov nyiaj pab tseem ceeb. California tau tshaj tawm nws thawj txoj SHMP nyob rau xyoo 2004. Cov Phiaj Xwm txuas los yog tau tshaj tawm nyob rau xyoo 2007, 2010, 2013, thiab 2018. Txoj SHMP xyoo 2023 hloov txoj SHMP xyoo 2018 thiab yuav tag sij hawm rau Lub Yim Hli Tim 29, 2028.

Nyob rau ncuas sij hawm muan kev pom zoo rau Txoj Phiaj Xwm, Federal Emergency Management Agency (Tsoom Hwv Teb Chaws Lub Chaw Hauj Lwm Tswj Xyuas Xwm Txheej Ti Tes Ti Taw, FEMA) tau qhuas hais tias California yog ib ntawm 14 lub lav uas tau txais kev xaiv ua [Lub Lav "Uas Tau Txais Kev Txhim Kho"](#). Qhov xwm txheej tias "Tau Txais Kev Txhim Kho" lees paub txog cov kev siv zog uas muaj kev sib koom tes thiab xub ua uas Lub Lav tab tom ua los txo qis kev puas tsuaj los ntawm kev phom sij, tiv thaiv lub neej txoj sia thiab dej av vaj tsev, thiab tsim kom muaj cov zej zog uas muaj kev nyab xeeb dua qub thiab yoog tau raws dua qub tuaj. Cov lav uas tau txais qhov xwm txheej tias "Tau Txais Kev Txhim Kho" kuj tseem yuav tau txais nyiaj tsib feem pua ntxiv nyob rau hauv Lub Khoos Kas Muab Nyiaj Pab Txo Qis Kev Phom Sij (HMGP) pob nyiaj pab tom qab muaj kev puas tsuaj.

Vim Li Cas Txoj SHMP Thiaj Li Tseem Ceeb?

Dua li kev teev cov hom phiaj, lub tswv yim, thiab cov kev nqis tes ua txog kev txo qis ua rau Lub Lav txhawm rau txo qis kev puas tsuaj rau lub neej txoj sia, dej av vaj tsev, thiab cheeb tsam puag ncig los ntawm cov xwm txheej kev puas tsuaj, txoj SHMP kuj tseem ua ib qho peev txheej rau cov neeg npaj phiaj xwm hauv cheeb tsam los tsim lawv cov phiaj xwm txo qis kev phom sij rau tus kheej tib si thiab. Txoj SHMP yog ib qho chaw pib tseem ceeb rau cov cheeb tsam kav tswj hauv zos los mus nrhiav saib kom nkag siab txog cov kev pheej hmoo uas lawv ntsib thiab txoj hauv kev uas yuav hais daws.

Tsis tas li ntawd, txoj SHMP kuj tseem yog ib qho tseem ceeb uas yuav ua kom California muaj cai tsim nyog tau txais tsoom hwv teb chaws qee cov khoos kas txo qis kev puas tsuaj thiab kev phom sij tib si thiab:

- [Lub Khoos Kas Muab Nyiaj Pab Txo Qis Kev Phom Sij \(HMGP\)](#)
- [HMGP Tom Qab Huav Taws Kub \(HMGP-PF\)](#)
- [Lub Khoos Kas Kev Tsim Lub Moj Khaum thiab Lub Zej Zog Uas Tuaj Yeem Yoog Tau Raws \(BRIC\)](#)
- [Lub Khoos Kas Pab Txo Qis Dej Nyab \(FMA\)](#)
- [Lub Khoos Kas Pob Nyiaj Pab rau Kev Pab Tswj Hluav Taws \(FMAG\)](#)
- [Kev Pab Cuam Zej Tsoom \(PA\) Hom Ua Hauj Lwm Ruaj Khov \(Hom C-G\)](#)
- [Lub Khoos Kas Pab Nyiaj rau Kev Kho Lub Pas Dej Tawv Uas Yuav Tuaj Yeem Muaj Kev Phom Sij Siab \(HHPD\)](#)
- [Kev Siv Nyiaj Ncaj Qha Los Ntawm Congress Rau Kev Txo Qis Ua Ntej Tshwm Sim Xwm Txheej Kev Puas Tsuaj \(LPDM\)](#)

Kev Hloov Kho Tshiab rau Lub Lav Txoj Phiaj Xwm Kev Txo Qis Kev Phom Sij Xyoo 2023 Thawj Tsab



Hais Txog Kev Ntsuam Xyuas Kev Pheej Hmoo

Qhov tiag taw rau txoj SHMP ces yog kev ntsuam xyuas kev pheej hmoo, uas yuav txiav txim tias seb cov kev phom sij uas txaus txhawj rau Lub Lav yog dab tsi thiab ntsuam xyuas qhov yuav muaj feem cuam tshuam ntawm cov kev phom sij rau California cov niam txiv pej xeeb, dej av vaj tsev, thiab cheeb tsam puag ncig. Txoj SHMP Xyoo 2023 Qhov Kev Ntsuam Xyuas Kev Pheej Hmoo yog tau ua los ntawm kev siv cov ntaub ntawv zwm thiab cov kev tshawb fawb uas zoo tshaj plaws, suav nrog cov kev khwv yees yav tom ntej thiab cov kev ntsuam xav txog kev muaj vaj huam sib luag.

Txoj SHMP Xyoo 2023 Qhov Kev Ntsuam Xyuas Kev Pheej Hmoo txheeb xyuas:

- Cov kev pheej hmoo uas ntxim li Lub Lav yuav tau ntsib.
- Cov cheeb tsam thiab cov pej xeeb twg yog cov uas muaj kev pheej hmoo tshaj plaws rau cov kev phom sij no.
- Yam uas cov kev phom sij no yuav tuaj yeem ua rau lub cev, sim neej, cheeb tsam puag ncig, thiab kev lag luam.
- Cov nqi kev puas tsuaj uas tshwm sim los sis cov nqi uas yuav tuaj yeem zam tau dhau los ntawm cov kev siv zog rau kev txo qis.

Txoj SHMP Xyoo 2023 Qhov Kev Ntsuam Xyuas Kev Pheej Hmoo tuaj yeem ua ib qho peev txheeb tseem ceeb rau cov cheeb tsam kav tsej hauv zos rau lawv cov kev siv zog npaj phiaj xwm kev txo qis. Piv txwv, Kev Ntsuam Xyuas Kev Pheej Hmoo tuaj yeem:

- Muab cov ntaub ntawv qhia txog cov kev phom sij los ntawm hav zoov hav tsuag uas paub tias muaj nyob hauv Lab Lav.
- Txiav txim txog qhov chaw nthuav dav thiab fab uas muaj kev pheej hmoo ntawm txhua yam kev phom sij uas tuaj yeem siv cov ntaub ntawv hauv cheeb tsam los txhawb nqa.
- Teev cov piv txwv txog cov kev siv zog rau kev txo qis tam sim no thiab cuaj uas yuav muaj peev xwm tshwm sim tau uas cov neeg hauv cheeb tsam yuav tuaj yeem muab sau nkag rau hauv lawv tus kheej cov dej num los sis kev npaj phiaj xwm kev txo qis.

Yam uas tau muab hloov pauv hauv txoj SHMP xyoo 2023 los ntawm Cov Phiaj Xwm Yam Ntam Ntej yog dab tsi?

Txawm hais tias cov kev hloov pauv tseem ceeb ntawm txoj SHMP xyoo 2018 thiab txoj SHMP xyoo 2023 yog zoo li tau piav qhia hauv qab no los xij, tab sis koj tuaj yeem mus nrhiav saib cov ntsiab lus qhia ntxaws ntxiv nyob rau hauv txoj SHMP xyoo 2023 Phau 1, Tshooj 1.4: "Txoj Phiaj Xwm Hloov Kho Tshiab–Yam Uas Sib Txawv?" thiab Phau 2, Daim Ntawv Txuas Tw E: "Qhov sib txawv los ntawm Txoj Phiaj Xwm Yam Ntam Ntej thiab Txoj Kev Hla rau Cov Neeg Tshuaj Xyuas Txoj Phiaj Xwm."

Cov Kev Cuam Tshuam los ntawm Kev Ncaj Ncees thiab Huab Cua

FEMA [Lub Lav Phau Ntawv Qhia txog Txoj Cai Kev Npaj Phiaj Xwm Txo Qis](#) uas hloov kho tshiab yog yuav pib siv tau nyob rau xyoo 2023. Phau ntawv qhia no txhim kho cov hau kev uas yuav muab cov kev ntsuam xav fab kev ncaj ncees thiab fab huab cua coj los sau nkag rau hauv lub lav txoj kev npaj phiaj xwm kev txo qis. California yeeb ib txwm yog tus thawj coj fab kev muab cov ntsiab lus no sau nkag rau hauv txoj SHMP, uas yog tau muab fab huab cua sau nkag thawj zaug nyob rau xyoo 2007 thiab muab kev ncaj ncees sau nkag thawj zaug nyob rau xyoo 2018. Txoj SHMP xyoo 2023 nthuav dav cov kev siv zog no mus rau txoj hauv kev uas muaj txiaj ntsig raws li tau txais ntaub ntawv qhia paub los ntawm cov kws tshaj lij tshwj xeeb hauv Pab Pawg Ua Hauj Lwm Saib Xyuas Kev Cuam Tshuam Los Ntawm Kev Ncaj Ncees thiab Huab Cua.

Kev Hloov Kho Tshiab rau Lub Lav Txoj Phiaj Xwm

Kev Txo Qis Kev Phom Sij Xyoo 2023

Thawj Tsab



Txoj SHMP xyoo 2023 tshuaj xyuas cov kev cuam tshuam los ntawm kev phom sij rau cov niam txiv pej xeeb nthuav dav thiab tshwj xeeb, cov zej zog uas xub tau txais kev ncaj ncees, vim lawv ntsib cov teeb meem quas thiab cov teeb meem nyuaj ntau ntawm kev phom sij. Tsis tas li ntawd, qhov feem pua ntawm cov neeg uas tau ntsib teeb meem uas raug txheeb xyuas tias yog cov nyob hauv cov zej zog uas xub muaj kev ncaj ncees yog raug siv los ua ib feem tseem ceeb rau kev txiav txim txog qib kev cuam tshuam los ntawm kev phom sij tag nrho ntawm txhua yam kev phom sij tshwj xeeb. Txoj SHMP Pab Pawg Ua Hauj Lwm Saib Xyuas Kev Ncaj Ncees tau teev Lub Chaw Tuav Tswj thiab Tiv Thaiv Kab Mob (CDC) qhov Social Vulnerability Index (SVI) xyoo 2018 tias yog cov ntaub ntawv zwm txog xwm txheej kev puas tsuaj uas muaj ntau tshaj plaws nyob rau lub sijhawm pib tus txheej txheem npaj txoj phiaj xwm SHMP. Thov nco ntsoov tias, CDC qhov SVI tau ntsuam xav txog 15 feem tseem ceeb fab sim neej los ntawm cov ntaub ntawv zwm uas muaj rau zej tsoom. Txoj SHMP siv cov ntaub ntawv no los teev cov chaw uas yuav tau xub siv zog ua ntej tshaj plaws txhawm rau ua kom ntseeg tau tias tau txais cov txiaj ntsig uas muaj kev ncaj ncees.

Dua li cov kev ntsuam xav txog kev ncaj ncees lawm, qib kev cuam tshuam los ntawm kev phom sij kuj tseem suav cov kev cuam tshuam ntawm kev hloov pauv huab cua nkag rau hauv txhua yam kev phom sij tib si thiab. Qhov no yog ib qho tseem ceeb vim California twb tau ntsib kev hloov pauv cov qauv huab cua, uas ua rau muaj xwm txheej huab cua phem thiab hloov pauv heev tshaj qub tuaj thoob plaws Lub Lav. Kev muab cov kev cuam tshuam no coj los ntsuam xav yuav yog ib qho tseem ceeb heev rau kev nkag siab txog txoj kev pheej hmoo tam sim no thiab seb nws yuav hloov pauv mus zoo li cas nyob rau yav tom ntej.

Cov Kev Phom Sij Uas Xav Hais

Txoj SHMP xyoo 2018 teev 30 yam kev phom sij. Vim yog kev yuam los ntawm txoj cai loj choj, cov kev pheej hmoo tshwm sim tshiab txij li kev txhim kho txoj SHMP xyoo 2018, thiab rov muab kho dua, ces txoj SHMP xyoo 2023 tau teev 34 yam kev phom sij lawm. Txoj SHMP xyoo 2023 tau muab cov kev phom sij faib ua ob pawg xws li:

1. Cov Kev Phom Sij Los Ntawm Hav Zoov Hav Tsuag Uas Xav Hais

- Teev raws li cov qhab nias kev txheeb xyuas qib kev cuam tshuam los ntawm kev phom sij.
- Teev npe raws li qib kev cuam tshuam los ntawm kev phom sij uas muaj feem rau tag nrho cov ntaub ntawv hais txog qhov ua tau zoo thiab kev ua tau ntau tib si, uas yog cov ntaub ntawv hais txog qhov ua tau ntau yog cov uas hnyav dua thaum muaj rau ib qho kev phom sij tshwj xeeb twg.
- Suav nrog cov kev phom sij los ntawm hav zoov hav tsuag uas FEMA yuav muab pob nyiaj pab dawb rau Kev Pab Txo Qis Kev Phom Sij (HMA) rau cov dej num uas muaj cai tsim nyog tau txais.

2. Lwm Cov Kev Phom Sij Uas Xav Hais

- Teev raws li cov qhab nias kev txheeb xyuas qib kev cuam tshuam los ntawm kev phom sij.
- Cov ntaub ntawv hais txog qhov ua tau zoo yog cov muaj feem hnyav dua vim muaj cov ntaub ntawv hais txog qhov ua tau ntau tsis tshua ruaj khov rau qee cov kev phom sij.
- Cov kev phom sij tseem ceeb uas yuav tsum muab los ntsuam xav tab sis tsis muaj cai tsim nyog tau txais cov nyiaj pab kev txo qis HMA.

Kev Hloov Kho Tshiab rau Lub Lav Txoj Phiaj Xwm Kev Txo Qis Kev Phom Sij Xyoo 2023 Thawj Tsab



Nyob rau txoj SHMP xyoo 2023, Cov Kev Phom Sij Uas Xav Hais yog muab teev ua qib raws li hauv qab no:

1. Av Qeeg
2. Cov Kwj Deg, thiab Dej Nyab Cov Chaw Nyob uas raws Ntug Dej
3. Huab Cua Kub Heev
4. Huab Cua No Heev los sis Ua Dej Khov
5. Hluav Taws Kub Hav Zoov
6. Cua Hlob Heev, Huab Cua Phem, thiab Cua Daj Cua Dub
7. Hlav Txwv Puv Tuaj, Dej Nyab, thiab Dej Tshab Ntug Hlav Txwv
8. Toj Pob, Khib Nyiab Ntws, thiab Lwm Yam Khoom Ntau Txav Chaw
9. Ntuj Qhuav Teb Nkig
10. Dej Foo Loj thiab Dej Ntas
11. Pas Dej Tawv Tawg
12. Ntswg Thav Dej Tawg
13. Los Daus Loj
14. Av Zawj
15. Volcano (Roob Hluav Taws Kub)

Nyob rau txoj SHMP xyoo 2023, Lwm Yam Kev Phom Sij Uas Xav Hais yog muab teev ua qib raws li hauv qab no:

1. Hluav Taws Kub Tej Vaj Tsev Hav Nroog
2. Lwm Yam Uas Muaj Peev Xwm Ua Rau Hluav Taws Xob Tuag Mus Ncuat Ntev
3. Kev Tua Hluav Taws Xob Kom Muaj Kev Nyab Xeeb Rau Zej Tsoom (PSPS)
4. Terrorism (Kev Tsim Teeb Meem Phem)
5. Huab Cua Paug
6. Hluav Taws Xob Tuag
7. Kev Sib Khuj Fab Cyber
8. Xyoo Ntoot Tuag
9. Tej Noob Tsiaj Txhu Nam Ciam thiab Tsim Kev Meem Txom
10. Kab Mob Sib Kis, Sib Kis Kab Mob, thiab Cov Kab Mob Uas Mob Los Ntawm Tus Kab Mob Coj Kev
11. Kev Kub Ntxhov Fab Pej Xeem
12. Cov Kev Phom Sij Los Ntawm Cov Kav Xa Roj Av
13. Kev Tso Tawm Cov Khoom Siv Phom Sij
14. Tshab Thauj Khoom Sib Tsoo Ua Rau Tawg Muaj Ceem los sis Kev Tso Tshuaj Txhaum Tawm
15. Kev Ntsawj Qhov Dej thiab Kev Siv Hydraulic Ntsawj
16. Roj Txeej
17. Kev Tawm Tsam Los Ntawm Cov Niam Hlau Nplaum Hluav Taws Xob
18. Xwm Txheej Fab Duab Hluav Taws Xob
19. Cuab Daj Cua Dub Hlau Nplaum (Huab Cua Saum Ib Nta Ntuj)

Phau 1 thiab Phau 2:

Txoj SHMP yog ib daim ntawv uas muaj ntau nplooj tshaj plaws hauv keeb kwm – txoj SHMP xyoo 2018 tsuas yog muaj tsis txog 1,100 nplooj, thiab txoj SHMP xyoo 2023 yog muaj yuav luag 2,000 nplooj. Txawm hais tias txoj SHMP yuav yog ib daim ntawv tseem ceeb uas muaj kev siv nthuav dav mus thoob plaws Lub Lav los xij, tab sis qhov uas Txoj Phiaj Xwm muaj ntau nplooj heev thiab cov ntsiab lus cov nyom los sis siv cov lus thev niv yuav tuaj yeem yog teeb meem nyuaj rau cov neeg muaj feem xyuam txog kev siv Txoj Phiaj Xwm los txhawb pab lawv cov kev siv zog.

Kev Hloov Kho Tshiab rau Lub Lav Txoj Phiaj Xwm Kev Txo Qis Kev Phom Sij Xyoo 2023 Thawj Tsab



Ib txoj hau kev tseem ceeb uas Cal OES tau siv los txhim kho kom tuaj yeem coj txoj SHMP mus siv tau ces yog kev muab Txoj Phiaj Xwm faib ua ob phau. Phau 1 yog Lub Ntsaib Ntawm Txoj Phiaj Xwm uas muab cov ntaub ntawv tseem ceeb uas yog siv cov lus yooj-yooj yim uas ua kom tuaj yeem nyeem nkag siab tau zoo thiab muaj cov lo lus uas txuas mus rau cov lus txhais ntsiab lus uas nyob rau tom qab kawg ntawm Phau Ntawv. Phau 2 muaj ntau cov ntaub ntawv txuas tw fab thev ninv thiab cov phiaj teev cov ntaub ntawv uas txhawb pab thiab nthuav dav rau cov ntaub ntawv hauv Phau 1.

Txoj SHMP xyoo 2023 Tau Muaj Kev Hloov Kho Tshiab Li Cas?

Cal OES Chav Npaj Phiaj Xwm Kev Txo Qis Rau Lub Lav (SMP) yog tus dhia dej num rau kev hloov kho tshiab rau txoj SHMP xyoo 2023. Txoj hauj lwj no yog ua tiav los ntawm kev sib koom tes nraim nrog tsoom hwnv teb chaws, lub lav, Pab Pawg Neeg Tsawg, cov khub koom tes hauv cheeb tsam, cov uas tsis yog tsoom hwnv, thiab niam txiv zej tsoom. Tus txheej txheem kev hloov kho tshiab yog muaj ntau dua li 100 lub rooj sab laj nrog cov khub koom tes, kev thov cov lus tawm tswv yim los ntawm cov kws tshaj lij tshwj xeeb txog cov kev phom sij tshwj xeeb, thiab ncuaj sij hawm muab lus xam pom los ntawm niam txiv zej tsoom uas tau txais ntau tshaj 1,000 lo lus xam pom uas tsis sib thooj xa tuaj.

Tsis tas li xwb, Chav SMP kuj tseem saib xyuas txog kev saib xyuas thiab kev siv txoj SHMP tib si thiab. Qhov no suav nrog kev taug qab saib kev nce qib ntawm yam uas yuav tau nqis tes ua uas tau muab piav qhia ntxaws rau hauv txoj SHMP, teev cov kev siv zog txo qis ntau ntxiv los ntawm Lub Lav cov khub koom tes, thiab txheeb xyuas seb qhov kev txo qis no yuav ua hauj lwj li cas los pab kom ua tiav Cov Hom Phiaj uas tau teev tseg hauv txoj SHMP. Txoj hauj lwj no muab ntaub ntawv qhia txog txhua yam kev hloov kho uas tsim nyog rau txoj SHMP thauj lub sij hawm ua kev hloov kho tshiab thiab muab lus qhia rau tsab Phiaj Xwm yav tom ntej.

Kev Nkag Mus Muaj Feem Xyuam thiab Cov Peev Txheej Ntau Ntxiv

Txoj SHMP tsuas yog muaj kev ruaj khov raws li cov lus tawm tswv yim uas tau txais thiab cov neeg uas los koom nrog. Txhawm rau nkag mus ua ib feem ntawm tus txheej txheem kev siv txoj SHMP los sis cov kev hloov kho tshiab yav tom ntej, los sis yog muaj lus nug dab tsi, thov tiv tauj rau Chav SMP ntawm SHMP@CalOES.ca.gov.

Hais txog rau cov peev txheej ntau ntxiv txog kev npaj phiaj xwm thiab kev pab nyiaj txiag rau kev txo qis, txoj SHMP, thiab cov peev txheej rau kev npaj phiaj xwm hauv cheeb tsam, thov mus saib [Cal OES Chav Hauj Lwm Kev Npaj Phiaj Xwm Txo Qis Kev Phom Sij](#) nplooj vev xaib.